

S. Ludgerus Episcopus Monasteriensis, & Ven. Beda ævi sui miracula litteris consignârunt.

*Seculum IX.*

1. *Quinam hoc seculo Pontificatum gessere ?*

99. Stephanus V. ad 817	109. Joan. VIII. ad 882
100. S. Paschalis 824	110. Marinus 884
101. Eugenius II. 827	111. Hadrian. III. 885
102. Valentinus 827	112. Stephan. VI. 891
103. Gregor. IV. 844	113. Formosus 896
104. Sergius II. 847	114. Stephan. VII. 897
105. S. Leo IV. 855	115. Romanus 898
106. Bened. III. 858	116. Theodorus II. 898
107. S. Nicolaus 867	117. Joan. IX. 900
108. Hadrian. II. 872	

2. *Qua laude Pontifices isti rexere Ecclesiam ?*

Per insigni, si Stephanum VII. excipias, qui, postquam in sedem Pontificiam se intruserat, instigante potissimum Sergio Antipapa, Formosi cadaver effossum, ac Pontificiis exutum insignibus, in Tiberim projici jussit. Hic dein è sede, quam invaserat, deturbatus, & in carcere strangulatus est. Joannes VIII. quòd impiis Photii, sedem Constantinopolitanam occupantis molitionibus constantia minùs virili se opposuerit, ansam fors dedit fabellæ illi de Papa foemina; quod ineptissimum absurdissimùmque commentum evidentibus pridem argumentis, ipsòque adeò silentio scriptorum omnium, maximè Græcorum, Romanæ Sedi id temporis summopere adversantium, satis superque confutatum est. Quidam formosum inter & Stephanum VII. interferunt Bonifacium VI. qui post Formosi obitum A. 896. Romanam sedem invasit, tenuitque diebus quindecim